

Bulu - Nkômban Mintilan - Lust Scriptures

Nkôlan 15:9 Nsiñ a mbe a jô'ô na: Ma ye tôñ, A ma ye koone nye. Ma ye kabane biôm ya nsa, A ma ye jaé a bie. Ma ye té nkpwaté mekôn a wo wom wo ye nyoñe bie amu wô.

Nkôlan 18:21 Wôna tobôk ayoñ étê, benyabôtô, ba ba ko Zambe woñ, ba ba nye'e bebela, ba ba vini ma'an me ne ékotekot; telé'ê be bivete ya bôte toyini, ntet, mewôm metan nge bôte awôm.

Nkôlan 20:14 Te bo mejian.

Nkôlan 20:17 Te nyamete nda môt mia nye mi too, nge nyamete minga wé, nge mbo ésaé wé a ne fam, nge nyô a ne minga, nge éjakase jé nge jôme éziñ jé éfe ése.

Nlañane Bôt 11:4 Môs éziñ, beyeñ be mbe Israél étê be so'o mevôm mevôm, be nga jaé ne lut a nkômbane ya di tit; ja'ana bone b'Israél bebiene fe be nga beta taté nkobane menyiñ a jô na: Ngo'é nge bi bili tite ya di!

Deuteronom 5:21 Te nyamete éza minga; nge éza nda, ng'éza afup, ng'éza mbo ésaé a ne fam, nge nyô a ne minga, nge nnôme nya'a wé, ng'éjakase jé, nge jôm éfe éziñ é ne éza jôm.

Deuteronom 12:20 Eyoñe Nti, e Zambe wôé a ye ndamé minné miôé, avale a nga tiñeti wo, a nkômbane ya di tit wo ye bo wo ô jô na: Ma kômbô di tit! wo ye bo nguleya di tit avale wo kômbô.

Deuteronom 22:22 Nge ba koé fam ba minga a ne nlu'an be bômbô'ô, be bebaane ba ye wu, e fam é nga bômbô minga a minga émien; nalé wo ye vaa nsem ôte Israél étê.

Yasua 7:21 me nga yen, e biôm ya nsa étê, étua mbamba alô'ô ya Sinéar nalé besikel be argent mintete mibaé a beta ébabe or adit tañ besikel mewôm metan; ane me nga nyamete bie a nyoñe bie; biôm bite bi ne nda éndelé jam, nsolan si étê, argent nye a ne mfa'a ya si.

Besam 10(9):3 Amu na mbia môt a se'e émien amu a biya jôm a sôñ; mvus éte a nji botane Nti, ve viane yo'é a biasé nye.

Besam 78(77):18 Be nga ve'ele Zambe e minleme miab étê, a nsilane bidi aval ane nkômbane wob ô né.

Besam 78(77):30 Be nga ke jalé nkômbane wop. Be mbe be ngenane be bili bidi biab anyu étê.

Besam 81(80):13 Ajô te me nga jô'ê be a ayete nleme dap, ane be nga wulu a mefe'e mabe mebien.

Besam 106(107):14 Be nga nyamete biôm be nji bi, ane be nga ve'ele Zambe nkôte si,

Besam 119(118):36 Futi'i nleme wom e mam ma dutu mewôk, mfa'a memvinda môé a dañe mfa'a ya nseñge.

Minkana 1:19 Nalé ate ényiñe ya bôt ba wôlé bôte biôm ja su'ulan wo nyoñ ényiñe ya bôt be bili wô.

Minkana 6:25 te nyamete abeñ dé e nleme wôé ét , a te bili ôlam ya biyakol  bi .
Minkana 15:27 Ny  a n za  ya bi ma an me ne te yian, a nde ele nda j  emien,
ve ny  a vini biboteze a ye nyi .

Minkana 21:25,26 Nk mbane nleles wo wô  nye, amu mo m  ma bene f osan.
26 Ngume m s, minyamete mi bili nye ve z s a m t a kap teke li i a bili j m.

Minkana 28:16 Nleles   ne fek e mise m  emien a da e b te zamgbwa ba yalane
mame mvo  .

Ezayi 56:11 Bone mind ndo o bemvu be ne te yeme ja  bidi. Be ne beba ale
mint mba be ne te yeme w   j m; bese ba t ne zene jabe bebien, m t ase
fo o v ane mfi w    né;

Ezayi 57:17 Me nga yaa amu mi yamete mia yianemekua mi , aj  te me nga bibi
ny , me nga sob  ayaa dam  t , ve melo m   t , a nga t ne zene ya nleme
w .

Yeremia 6:13 Amu na, atat  be ny  ya be be a ne ty tyo , a kui ny  a da  anen,
bese be n za  akum; atat  nkulu mej  a kui ntuni, bese ba belane medu an.

Yeremia 22:17 Ve mise m   a nleme w   bi l   fo o ve mva  j  , asu ya kuli
metyi me m t a ne te bij , a asu ya belan  tibela  ja ko o b te bevok.

Yeremia 51:13 Wo   too mf m abui as   a   bili jama akum, asu ulane d   e
soya e too abim ane  za  akume vi     né!

Ezekiel 6:9 Befam awu benan ba ye simesane ma e za e meyo  v me mia ye ke
mink m; me nga bu uban a minlem mi  bamba miap mmie mi keya m yap, a
mise map me mbe me bo   bamba ba be bengunemelane bap. Be nji beta bo
ayo  ya fombane mesu amu ab  be nga bo a beang nd  mimboone bap
bese.

Ezekiel 14:4,5 Aj  te, kob   be: Wo ye j  be na: Avale di Nti, ny  a ne Zambe a
j  na: M t ase y ayo  Isra l a be e bengunemelane b  e nleme w   t  a a tel 
ako   kol   bak, e ne na  kobe j   su vi , nge a zu kob  nkulu mej , ma Nti
ma ye yalane nye  yo  a ye zu amu jama bengunemelane w . 5 Nal  ate ba
bese y ayo  Isra l be nga tube ma amu bengunemelane babe bese, ba ye bili
e minleme miabe mibien.

Ezekiel 22:12 E be wo b t ba nyo ne memvaka asu ya kuli metyi. Wo sili nsenge a
abet. Wo w l  m t  mbo o j m a  tibela  ve wo vuane ma, nal  ny  a ne
Zambe a j .

Ezekiel 33:31 Ba ke beta nsamba be wo a ayo ne b te dam da tabe wo  su. Ba
w   mej  m   ve teke bo me, amu ba bo mej  m  len me kui b anyu, ve da
 za  akum   wulu  minleme miap.

Oze 4:12 E b te bam ba sili  l  jabe fek, a nt y   l  wop  w  wo kate be mam,
amu nsisim  bamba wo yale be f , a nt  ba bo  bamba, nt   te  w  ba k l 
be Zambe wop.

Oze 5:4 Mimboone miap mi nji fe ve b af la ya bulane be Zambe wop, amu nsisim
 bamba wo vu ne be be, a be nji ke yeme Nti.

Mik  2:2 Ba nyamete mefup, a nyo ne me a ngu, avale te fe menda, ba w l  me;
ba tibili bial bial  a nda b te j , m t a ngab  li i j .

Nahum 3:4 Amu abui mejian me minga ébamba, njalan a bijañ, nteb'ôsu mame me ngbwee, a nga kuane meyoñ me bôt a mejiane mé, a kuane fe meyoñ me bôt a ngbwele jé.

Habakuk 2:9 Bidim a môt a jeñ ékotekote mvaé asu ya nda jé, nalé ate a ye lôñe dumba'a dé e mebôbône minkôle yôp na bidim bi bo te kui e vôm a né.

Metias 5:28 Ve ma ma kate mia na: e môt ase a fombô minga a nkômban éziñ e nlem, a boyá mejian a minga ate e nleme wé été.

Markus 4:19 minju'u ya si ndôn a medu'ane ya akume si a minkômbane ya mame mevo'o mese, bi jaé be nlem ne lut, a mane yametane mejô mete, me ntoo ñhe teke fe awumi ébuma.

Markus 7:22 mejian, ôzañ akum, mbia nlem, medu'an, bijabô, ébamba, mbia be mis, nkoban Zambe ébiasé, mebun, mboan ôkukut.

Lukas 3:14 Bezimbi fe be nga sili nye na: Bia ke bia ye bo jé? Nye be na: Te nyoñane môte jôm a ngu, nge a bibôta mejô ve nyoñane tañ ba ya'ane mia na ja yian.

Lukas 12:15 Wôna a nga jô be na: Tuka'a tabane ntyel a aval ôzañ akum ese; amu ja'ane afo'o été, ényiñe môt é nji ke timbi a e biôme a bili.

Lukas 16:14 Befarizieñ, e mbe be mbe be nyek'e moné, be mbe be vô'ôlô'ô mam mete mese, be nga woé Yésus.

Yôanes 8:44 Esaa wônan, a ne Satan, a mia jeñ na mi bo mbia minkômbane mi ésaas wônan. Satan a ne ñwôé bôt aso atata'a, a nji bi étaba'a e bebelá été, amu bebelá a nji bo e be nye. Eyoñ a laa minsos, a kobô mame mé émien, amu a ne nlaaminsos, a ésaas ya minsos.

Mimboone Minlôman 20:33 Me nji nyamete argent, or, nge ngômesane éziñe ya be môt.

Rôme 1:24-29 Ajô te Zambe a nga suu be e mezene me mbia minkômbane ya minleme miap, e mame ya mvin, mme mete ba ve menyôle map bebién ôson. 25 Be nga folane benya mejôô me Zambe a minsos, a viane kañe mintéane mi biôm, ve te kañe nté biôm émien, e nyô a nee ébotane nnôm éto, amén. 26 Ajô te Zambe a nga li'i be e mboone mbia minkômbane mi ôson été. Avale ya na, binga bap be nga tyendé mboone ya abialé, ntabane befam a binga, a bo mboon ô ne te yian abialé bôt. 27 Befame fe avale da, be li'i mfula'an ya fulane binga, be nga jaé ayôñe minleme ya kômbô fulane beebe, nsela'ane a abialé bôt, a bo mame me ne ôson e zañe jap a su'ulane nyoñe ma'ane me nkobane zene wop. 28 A, mbôle be nga bo te yene mvaé ya ba'ale ñyemane wo so be Zambe, Zambe a nga li'i be e ñyemane ya te fek été, amu ajô te be nga bo mam be nji yiane bo. 29 Be ne njalan a ékotekot mevaled mese, e ne na: Mbia be mam, mboon éngôngôt, mbia minlem, miñyamete, ñwôane bôt, ntañete, medu'an, asum, mfuk,

Rôme 6:12 Jeñane ñhe na, abé e bo te beta jôô e biuwua menyôle bienan été a bo mia na mi ve mbia minkômbane mié mewôk.

Rôme 7:7 Nde bia ye jô aya, ye metiñ me ne abé? Teke bebé! Amu me nga yen abé ve amu metiñ. Me mbe te ngule ya yeme miñyamete, nge metiñe me nga

ye bo te tyili miñyamete.

Rôme 13:9,14 E ne étê na, metiñ aval ane: te bo mejian, te wôé môt, te nyamete, a ma mevo'o mese, ñwômesane ya mese, ô ne éfia jina étê na: Wo ye nye'e môt a ne wo bebé ane wo nye'e womien. 14 Ve mi jaane Nti Yésus Krist, a te veane miabebien e mame ya minsôñ, amu ajô ya jalé mbia minkômbane mienan.

1 Koréñt Ôsu 5:10,11 Me nji sôñe bebo ébamba bese ya si nyô, nge benye'e bidi, nge miñwuwup, nge bekañe bezambe befe, amu nalé a ye sili mia na mi kôlô si nyô. 11 Momo, me nga tili mia na: Mi bo te fulane mam a nyôa be'e jôé monyañ, ve a too ébamba, nye'e bidi, nkañe bezambe befe, ndamane bôte môé e zesé, nso'o bilam nge ñwuwup, a na te di di a avale môte te.

1 Koréñt Ôsu 6:9,10 Ye mi nji yeme na: Bikotekote bi bôt bia ye bo te nyoñe ngab éjôé Zambe? Te du'uban! Teke bebo ébamba, nge bekañe bezambe befe, nge bebo mejian, nge befam ba kômbô veñesane binga, nge ba ba bômbô befam bevok, 10 nge miñwuwup, nge bewôlé bôte biôm, nge beso'o bilam, nge bendamane bôte môé e zesé, nge benyoñ abet, ba ye nyoñe ngab éjôé Zambe.

1 Koréñt Ôsu 10:6 Mam mete me nga kui ane bive'ela mfa'a wongan, ane bia ye bo te nyamete abé avale be nga nyamete de.

1 Koréñt Ôsu 12:31 Mi dañe'e kômbô mimveane mia dañe mvaé. A ma ye beta liti mia e zene ja dañ abeñ.

1 Koréñt Ôsu 14:39 Nde a bobejañ, mi dañe kômbô mveane nkulane mejô, a te kamane na be kobô minkobô,

2 Koréñt Baa 9:5 Nde ñhe me nga buni na, ma yiane loone bobejañe na be zu bia ôsu e be mia, a kômesane mimveane mienan. Mengaka'a me ésôse menan, éyoñe be maneya kôane me, ma ye bo mveane nya ésôse, saa wu ôkak.

Galati 5:16-20 Vô'ôlane ma: wula'an a ngule ya Nsisim, nde mia ye bo te bo nkômbane ya minsôn. 17 Amu minsôn, e minkômbane mié étê, mia wosane Nsisim. A Nsisim wo wosane minsôn. Ba siane zañe jap, avale ya na, mi bo te bo nkômbane wônan. 18 Ve nge mia wulu a Nsisim, mi nji fe bo metiñe si. 19 Ba yeme mimboone mi mame ya minsôn, mi ne na: Ebamba, mvin, ôdo'é mbia mvô, 20 nkañane bezambe befe, bemví'i, ziñ, ntañete, mbia aban, aya, mesengan, metyama'ane, mbia mengam, miñyamete, nso'one bilam, mbia ndian a mam mefe avale te.

Galati 5:24 E ba be ne ba be Krist, be tyeléya minsôn élé yôb a fulane mbia miñyiane mié a ayôñ minkômbane dé.

Efeze 2:1-3 A mia, mi nga to miñwuan amu mintyamane metiñe mienan, a amu mam abé menan, 2 mbie mi nga nyiñ étê, éyoñ mi nga tôñe zambe ya si nyô, étoñe ntômba ja yengan e zañe yôp a si, e nsisim wo bo ésaé e zañe bikañekañe bi bôt. 3 Bi nga to tañ étê, bia bese fe bi nga ve biabebien e minkômbane ya minsône miangan e melu mvus. Bi nga bo minkômbane miap, a tôñe mintindane miap; a zene ya abialé, bi nga too fe ane bôte bevok, aya si.

Efeze 4:19 E teke yeme wob été, ébamba a kui vôme ya bo mam me ne mvin teke asi'ibi.

Efeze 4:22-27 Eyoñe mi li'iya ényiñe jenane ya melu mvus, mia yiane vaa nnôme môt, ñwô ôte wo ndaman amu minkômban mi ne medu'an. 23 Mia yiane bobane mimfefé a ntyendane nsisime ya atyeñe denan, 24 a jaé mfenfê môt, nyô a nga téban a fe'e Zambe, e zôsôô a étyi été mbie bia so e benya mejôô. 25 Mi kandane ya minsos, môt ase a kobô'ô ñhe nyô mbok benya mejôô, amu bi ne bibu'a, bana a ba bevok. 26 Ye mia yaa? Ve te boon abé, Jôp e bo'o te dim ayaa denan e too. 27 Te veane Satan ôyôme fet.

Efeze 5:3,5 Ebamba, mvin, aval ese bi ne, a ôzañ akum, bi bo'o te totebane zañe jenan, avale te nde da yiane mimfufup. 5 Amu mia yiane tu'a yeme na, teke mbo ébamba, nge mvimvine môt, nge ñwôlé bôte bevo'o akum, nkañne bezambe befe ate, a ne bi ngap éjôé Krist ba Zambe.

Kôlôs 3:5 Ajô te wôéane mame ya si nyô me ne be mia: ébamba, mvin, ntulane mam ôkup, mbia minkômban a ôzañ akum ôte, ñwô ô ne nkañane bengunemelan.

1 Tésalonik Ôsu 2:5 Amu ajô te bi nji belane mejô medu'an, mia bebién mia yeme nalé na, teke mbia ôsimesane ya mfi wongan a solô mvus, Zambe a ne ngaa,

1 Tésalonik Ôsu 4:3-7 Nkômbane Zambe, ô ne ntelan étyi wônan, e ne na, mi bo te bo ébamba, 4 môt ase ya be mia a lu'u minga e mfuban été a ésemé été, 5 te dutuban a mbia nkômban, aval ane meyoñe bikuu me ne te yeme Zambe ma bo. 6 Môt éziñ a bo'o te bo jam da telé monyañ minju'u été, nge kolé nye ôbak mfa'a ya ajô di, amu Nti a kun avale mame te ese, aval ane bi nga kate mia, a tu'a bômôlô mia de e melo. 7 Bebelâ na, Zambe a nji loone bia na bi nyiñ e mvin été, ve a nga loone bia na bi nyiñ e mfuban été.

1 Timôté Ôsu 3:3,8 Saa nyuu bilam, nge môta mewosan, ve évôvoé, nlate bôte ngbwa, môt a nji yange ma'an, 8 Avale da, bediakon: ba yiane bo ba ba yian. Be kobô'ô ve tyiñe jia. Te ve bebién ajô bilam, nge jeñé moné mezene me ne ékotekot.

1 Timôté Ôsu 6:9,10 Ve mfa'a ba ba kômbô bo minkukum, ba bili ôlame mebôbela'a, abui mbia minkômban mi ne tee fek, mi mia ndamane bôt, a kee be nkuan a njañan. 10 E ne été na, ôzañ akum ô ne ndi ya mbia be mame mevale mese. Amu mveane binyiñe biab été, bôte bevok be nga dimi fé a li'i mbunan ôyap, a su'ulane nyabe mنسیسیم miap a jama alun.

2 Timôté Baa 2:22 Mate'e mbia minkômbane bisoé, jeñé zôsôô, mbunan, nye'an a mvo'é mia be ba bese ba loone jôé Nti be too mfubane minlem.

2 Timôté Baa 3:2,6 E ne na, bôt ba ye bo mimfôfom, benye'e moné, ngunguan a mebun, bekobô Zambe ébiasé, a bekange bebiaé bap, bikalak, te semé jôm é ne étyi, 6 Bevo'o ya be be ba nyiin menda menda a dutu abibinga e ne njalan a mam abé e mevote map, e nde ete e ntoo alo ya minkômbane mevale mese.

2 Timôté Baa 4:3 Amu éyoñ ja ye zu, e too bebelâ na, bôt ba ye bo te jibi mbamba miñye'elan. Ve aval ane minkômbane miap mibien mi né, a ngômelane ya melo map, ba ye bômane bebién a jama beye'ele.

Tite 2:12 Ja ye'ele bia bi lik abé a minkômbane ya si ndôn, nde bia ye nyiñe ntye e si ya éyoñe ji, zôsôô, a e nye'ane mam me Zambe été,

Tite 3:3 Amu melu mvus, bia fe bi nga too mekut, bebene njôan, ñyalane feñ, belo minkômban mise a mimvôman mevale mese, a nyiñ ézezam a minyamete été, angôndô abé, a siane bia bia.

Hébre 13:5 O zañe moné ô bo'o te jôô mia. Va'an abime mi bili, amu Nti émien a nga kobô na! Teke me ye'e suu mia étam, teke me ye'e li'i mia!

Yakob 1:14,15 Môt ase a tôbane meve'ele amu minkômbane mié émien mia du'u nye, a dutu nye. 15 Eyoñ nkômban ô nyôneya abum, wo biaé abé, a éyoñ abé e tôlôbôya, da su'ulane biaé awu.

Yakob 4:1-5 Eyoñe ji a mia minkukum, yônan beta ñyônan, amu bidim bia ye kui be mia. 2 Akume denan e ne ébo, mengômesane menan me maneya diban a si' ibem. 3 E or wônan a argent wônan bi maneya bili mieñgele, a mieñgele ate a ye bo ngaa a wosane mia, a ye di minsône mienan aval ane nduan. Mi nga kôan akume mevis e melu ma su'ulan. 4 Fomba'ane ma'ane bebo bisaé be nga kôane bidi e mefube menan, mi biya me a ma yô, a miñyône bekôane bidi, mi kuiya e melo me Nti ya minsamba mewosan. 5 Mi nga bi ényiñ é ne ngu a édima e si nyô. Mi nga ve minleme mienane bidi e môse ba tyi'i biyem.

1 Pierre Ôsu 1:14 Bo'one Zambe mewôk, a bo te beta bo mbia minkômban ya melu mvus, éyoñe te mi nga too ndiman été.

1 Pierre Ôsu 2:11 A bôt ma nye'e, ma lebe mia aval ane bewulu dulu a beyeñe na, mi sa'ale minkômbane ya minsôñ mise, mmie mite mia wosane Nsisim.

1 Pierre Ôsu 4:2-4 Nyô a jibi mintaé e minsôn, a kandaneya abé na, a nyiñ éyoñ a li'iya minsôn été, saa fe aval ane mbia minkômban ya bôt mi né, ve aval ane nkômbane Zambe ô né. 3 E ne été na, mi nga nyiñ ayap e nkômbane meyoñ me ne te yeme Zambe été. E ne na: Bijabô, mbia minkômban, nso'one bilam, njeman mbia mebôk, mbia bisulane bi ndian a nyuan, nkañane bengunemelan. 4 Ajô te ba kam amu jó mi nga tyetebe be, te fe fulan a be e mbia mboon été, a ba ta mia.

2 Pierre Baa 1:4 Amu étôtok a e ngule jó bite nde akum é ne beta tañ, ngaka'a mfa'a wongan, é nga vebane be bia; ndembene mia ye nyiine fufulu ényiñ a éyeka'a Zambe amu akume te, valé mi vasebaneya, a ngul ése, ébol ényiñ, nje minyamete mia ve si nyô ane bidi.

2 Pierre Baa 2:3 a ôzañ akume wob été, ba ye diane mia a minkobô medu'an; mfa'a wop, aso ayap, ntyi'an ajô wop ô nji bômbô zezé nalé fe njañane wop teke ke ôyo.

2 Pierre Baa 2:9-19 Nalé a ne na, Nti a ne nguleya vaa bezôsôô be bôte bé meve'ele été, a ba'ale bikotekote bi bôt ngume vôm, asu ya ve be melep e môse ntyi'ane mejô. 10 Osusua, a ye lebe ba ba tôñe mbia minkômban ya minsône miap, a biasé éjôé Zambe. E ba ba dañe buni bebién, ébiasé e nkobô, be ne teke semé bitôto'o bitétáya ya yôp, ve taa bie. 11 Ve e to na, beéngèle be ba dañe bitétáya bite e ngu a éwôlô, be be nji ve bie mekua ma liti ébiasé e mise me Nti. 12 Ve bôte bete, be ne teke fek, ane betite ya fé mbe be ne

mbialane na ba ye bili melam a wôéban; ba ta jôm be nji tu'a yem. Ba ye wôéban ane betite ya fé. 13 Ba ye nyoñe ma'ane ya ékotekote mboone jap. Ba yene mvaé na, be jalé mbia minkômbane miap a môs. Ntabane wop ézezañe bôt, ô ne ôson a ékolé ôbak, éyoñ ba tabe bisulan bi ndiane bienan be wô'ô mvaé ya medu'ane map. 14 Mise njalan a mejian, be ne teke jaé mboon abé, be dutu'u minsisim mia yeñelan, be beté'é ôdo'é y'ôzañ akum, be ne bone biyo'é. 15 Eyoñe be li'iya e zen é ne zôsôô be nga fu'u fé a ntôñane zene Balam e mone Béor, nye a nga ku mebôbela'a étê amu nkômbane ya nyoñ ékotekote ma'an. 16 Ane a nga nyoñ minkomekan amu melo mé. Nalé mvumvu'u mone éjakas ô nga kobô ane tyiñe môt a telé akute mboone nkulu mejô. 17 Bôte bete be ne aval ane menjeñ me ne mvelan, a aval ane minkut mia tindiban a ôkôs, Zambe a ba'aleya be éto, e vôm a ne édo'o dibi. 18 Ba kobô bivuvu'u minkobô mi too tee éfia ja wô'é. Ba belane minkômbane miap mia dañ ôson asu ya bi e ba be ndôme tundan e nsamba bôt wo nyiñ ékotekot e melam mab étê. 19 Ba ka'a be éto beti, ve bebién be too belo ya bibole bi mam. Amu môt a ne ôlo ya jôme ja jôô nye.

2 Pierre Baa 3:3 Yeman ôsusua na, e melu ma su'ulan, e bôt ba ye nyiñ ane minkômbane miabe mibien mi né ba ye yené.

1 Yôanes Ôsu 2:15-17 Te nye'ane si nyô nge mam me ne étê. Nge môt éziñ a nye'e si nyô, nye'an Esaa ô nji bo e be nye, 16 amu mam mese me ne si nyô aval ane: nkômbane ya minsôn, nkômban ya bi e mam ma yené a mis a ntabane mebun e be mame ya si nyô, bi nji so e be Esaa, ve si ndôn. 17 Amu si ndôn ja lôt, ébien a mbia nkômban ya étê. Ve môt a bo nkômbane Zambe a tabe nnôm éto.

Yude 1:11 Amu ajô tañ, nde be nga ku e meve'ele me Balam a be nga jañ nkangane Koré étê.

Jude 1:15-19 A zu tyi'i si nyô ése mejô a kpwéé mbia be bôt bese, a mbia mimboon mi abé miap mise ya wôé, a mbia mejô mese, e mbia beboabé be nga kobô nye. 16 E mbe bebiene le! E ba ba kobô e menyiñ, a bikalak éyoñ ése. Ba dutuban a mbia minkômban. Menyu map ma kobô bivuvu'u bi mam a belane bôt, ve amu mfi wop bebién. 17 Ve mia, a bemvôé bam, simesa'an minkulane mejô minlôman mi Nti wongan Yésus Krist be nga taté jô mia. 18 Be nga bo be jô'ô mia na: Melu ma su'ulan, bôt ba ye zu a kpwé'ele mia, mbe bete ba wulu e mbia minkômban miap étê. 19 Bebiene le! Ba mias nkandan mengam. Be bili ve asimesane ya si nyô. Nsisim a nji bo e be be.

Nlitan Mam 18:14 Ebuma ya e nleme wôé ô nga kômbô é keya wo ôyap. Jôm ése é ne abeñ a étôtok é ntoo momo be wo. Teke na be ne beta yeme je.